

Porscher plaz e parter custs

Cuminanzas da charrar pudessan gidar a mitigiar l'excess dal traffic individual sin via

DAD ANDREAS CADONAU / ANR

■ La plattaforma Hitchhike è ina da pliras che sa drizza a pendularis sin via persuls cun igl automobil. Ellas intimeschan da furmar cuminanzas da charrar. Hitchhike è probabel la suletta che publitgescha sia purschida per rumantsch. La plattaforma vul mitigiar la carschen considerabla dal traffic individual sin via. Per in abitant dad in vigt grischun montagnard è il problem main urgent. El intervegn per regla sulet via las novitads dal traffic blocçà e da colonnas dad autos. Dentant gia en la chapitala grischuna è il traffic in problem, cunzunt la saira cu il di da lavour è terminà dovria quai blera pazienza per bandunar la citad da Cuira. Dapi l'onn 1980 è il dumber dad autos sa dublegià en Svizra. L'onn passà ha il dumber surpassà per l'empri-ma giada il nivel da sis milliuns autos. Quai èn 73 000 autos dapli che anc l'onn 2016. La confederaziun planisescha investiziuns da milliardas francs en l'infra-structura da vias per mitigiar la situaziun ed eliminar ils lieus che chaschunan las pli lungas colonnas dad autos. Crescha il dumber dad autos cuntuadament na pon las adattaziuns da l'infrastructura strusch procurar per remedura. Las colonnas vegnan dischlocadas en auters lieus. La gronda part dal traffic motorisà deriva da personas sin via dal lieu da domicil a la lavour ed enavos. Ed ils pendularis van gugent persuls cun lur auto. En media èn ils autos che portan il manischunz a la lavour occupads cun 1,12 per-sunas. In luxus da charrar persul en in ve-hichel che porscha plaz a quatter enfin tschintg personas. Diversas purschidas èn s'establidias ils onns passads cun l'intenziun da furmar cuminanzas da charrar. Via las novas pussevladdas da la communicaziun electronica sa sprovan las plattaformas dad enfillar il contact tranter ils pendularis e da furmar cuminanzas da charrar. Ina da quellas platta-

fumas sa numna Hitchhike ed è s'establi-da dacurt er en il chantun Grischun.

Grond potenzial

Davos la plattaforma Hitchhike stat l'interresa Usus lantschada da *Jean-François Schnyder* già avant tschintg onns en la Svizra centrala. Schnyder vesa bler potenzial en las cuminanzas da charrar per parter ils custs da charrar cun auto e reducir considerabel il traffic sin via. Enfin uss n'han la plattaforma dad Usus e sumegiantas anc betg chattà la gronda massa da pendularis. Blers automobilists han para retegnentschas da contactar perso-nas betg enconuscentas per charrar communablamain. Las distanzas dals pendularis èn curtas en noss pajais visavi als viadis a la lavour en l'exterior e la presi-un da spargnar n'è betg uschè gronda en

Svizra. Ina dals motivs per Schnyder da chattar la collaboraziun cun interpresas, vischancas ed instituziuns. El è persvadi che las interpresas ed instituziuns pu-blicas èn interessadas da coordinar il via-di da lavour dad lur emploids. Per part sa-ja il spazi da parcar restrenschì e las emis-siuns da CO₂ sa laschian reducir marcant cun emplenir ils autos sin via a la lavour. Pledentar vul il mainafatschenta dad Usus sapientivamain er interpresas da pendicularas en il chantun Grischun. Via la plattaforma da Hitchhike sa laschian ils viadis en ils territoris da skis senz'au-ter coordinar e furmar cuminanzas da charrar. Quai vala tenor Schnyder era per evenimenti da cultura e sport pli gronds. Il diever da la plattaforma è per ils utili-saders gratuita, els ston sulettamain sa re-gistrar ed annunziar lur giavisch da via-

di u la prontadad da metter a disposiziun in u plirs plazs en l'agen auto.

Annunzia per rumantsch

E gist l'annunzia sin la plattaforma dad Hickhike porscha ina surprisa. Sper tu-destg ed engles stat a disposiziun ina pussai-vladad da s'annunziar e s'infurmari per rumantsch. Schnyder ha ditg che l'interresa haja sapientivamain vuli resguardar la Rumantschia sco part da la Svizra. I saja stà pussaivel grazia a l'engaschi da *Marina Ca-saulta* che saja stada pronta da translatar ils texts per rumantsch. Tgi che smatga sin la pagina Hitchhike.com sin login sa far sias in-dicaziuns per rumantsch e las explicaziuns vers ils utilisaders èn medemamein stipula-das en la quarta lingua. La navigaziun è sim-pla e la purschida funcziuna tant meglier sch'il dumber dad utilisaders crescha.

Beinvegni

Public Carpooling Svizra

HitchHike cuminonzas da viadi

Cheu anfias ti spert e sempel ina cuminanza da viadi.

Manischunza: Di a nus cu e nua che ti eis sin viadi cun tui auto

Autostopader: Di a nus cu che ti eis sin viadi ed enqueras ina pussevladda da seser cun

Nus fagein il connecten tia destinaziun, tia ruta e tiu temps da viadi e ti sesas semplamein egi auto :)

HitchHike ei grazia a nos sponsurs e nos partenaris gratuit per tei.

Daco HitchHike?

- Ti emprendas d'enonuscher nova gieud
- Sempel e nuncumplicau dad A tier B
- Taxes da parcadì e custs da benzin vegnan partgi tras duas, treis ni quater personas
- Duvar ils parcadis da HitchHike
- Ina alternativa en cass dad ina interrupziun dalla reit da viafier ;)

Medias

Handelszeitung - Der Markt wird neu aufgemischt (PDF)

woltow: #mitfahrenLuzern

Von ZentralPlus: Die digitale Alternative zur

Login

Num d'utilisader:

E-Mail

Plaid-clav:

Emboileau il plaid-clav

LOGIN

Registrazion

E-mail / num d'utilisader

Plaid-clav

Repeter plaid-clav

acceptar AGG

REGISTRAR

HitchHiker e posiziuns en la survesta



Rumantsch, tudestg u englais, la plattaforma instradada per furmar cuminanzas da charrar envida a l'annunzia.

FOTO SCREENSHOT